



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XXII. Ea te.

[urn:nbn:de:hbz:466:1-62587](#)

Ea te.

PARAPHRASIS.

Innocentius III. mandauerat Episcopo Turritano, vt à Iudice Carolitano juramentum fidelitatis Ecclesiae Romanæ præstandum acciperet, sed Iudex ille recusauit è prætensione, quod iam antè Pisano Archiepiscopo, salvo Apostolicæ Sedis honore, tale Juramentum præstitisset. Ad hoc respondet Innoc. onus non remitti, sed magis augeri, si alicui improvidè solvatur, quod alij præstandum esset; quare cùm cōstet Iudicem ad fidelitatem Pontifici & Romanæ Sedi præstandam obligari, hinc sequitur, juramentum, quod Pisano Archiepiscopo editum fuit, pro illico censendum esse, si censeatur contrarium esse juramento, quod Sedi Apostolicæ præstari debet, atque ideo illo priore illico nil obstante, licitum, imò debitum Sedi Apostolicæ juramentum edendum fore. Sin autem contrarium illud juramentum huic non sit, tum iterum Iudex subterfugere non potest, quod minus præstet.

SUMMARIUM.

1. Solvens alteri quod tibi debet, non liberatur, sed obligationem suam auget.
2. Nisi coactus soluat Tyranno, vel Prælato intruso.
3. Juramentum illicitum est, imò irritum etiam, quod cedit in præiudicium seu iniuriam alterius.
4. Probatio non excusat id, quod indebitè fit.

Notandum I. Qui solvit alteri id, quod tibi debet, is non liberatur, imò obligatio eius aggravatur, quia iterum solvere tibi cogitur.

Ex quo colligitur, quod prædo si prædam iniustum cum socio dividat, obligationem suam augeat, quia partem, quam socio dedit, in defecatum eiusdem, id est, si socius non restituat, ipse met, qui abstulit, ex suo restituere cogitur, ita gl. hie. verb. quod alijs.

Excipiendum est, nisi debitor à Tyranno, vel Prælato intruso per vim & metum gravem, cogatur, vt ipsi solvat, quod Reip. aut Ecclesiæ debetur, tunc ita solvens liberatus censetur, sicut docet Bart. intr. de Tyran. n. 23. Abbas hic. n. 1. idque propter æquitatem merito receptum est, ne alioquin innocens bis solvere cogatur.

His adde quod gl. cit. notat, & habetur in l. Falsus. 43. ff. de furtis, quod falsus creditor, seu qui se simulat creditorem, debitum accipiendo, furtum committat, si pecunia, vel alia res mobilis sit, quæ ei solvitur.

Not. II. Juramentum illicitum est, imò irritum etiam, si cedit in præiudicium, seu iniuriam alterius, ita dictum est supra o. Venientes & sumuntur ex hoc cap. cùm enim tribunal eius iudicis nomine feudi obligatum est sedi Apostolicæ, ideo Iudex cùm in officium assumpius fuit, fidelitatem Romano Pontifici iurare debebat, & consequenter si alteri, videlicet Archiepiscopo juramentum edidisset, quod Iuri sedis Apostolicæ repugnaret, illud illicitum fuisset, & non observandum.

Not. III. Protestatio non excusat id quod indebitè fit, censetur enim contraria factio. Sollicitudine 54. de appell. gl. in Clement. Gratia. verb. Renuntiare, de rescriptis. Ut si quis per ignominiam alterum mentiri dicat, salvo honore eius, quod exemplum dat hic Alex. de Nauo. n. 5.

CAPITVLVM XXIII.

Quinta vallis.

PARAPHRASIS.

Filiæ Quintavallis aliis mulieribus cōtume. liā irrogārūt, ea propter ipse iurauit, quod pro satisfactione offensarū, eorum mandato parere vellet, tum ipsæ sub debiti juramento hoc illi iniunxerunt mandatū: Vt si eius filia aut vxor verbum contumeliosum in ipsas dixerint, filias quidem exhæredare de beret, vxorem vero à se removere. Super hoc consulius Innoc. III. Respondit, juramentum Quintavallis